

Na temelju člana 31.Statuta Sportskog saveza Grada Mostara, Skupština Sportskog saveza Grada Mostara na sjednici održanoj 08.10.2014. godine donijela je

## **PRAVILNIK**

### **o prijemu, pravima i obavezama novih članova Saveza**

#### Član 1.

Sportski savez Grada Mostara (u daljnjem tekstu: Savez) prima u svoje članstvo nove članove na osnovu odredbi Statuta Saveza i ovog Pravilnika.

#### Član 2.

Pravilnikom o prijemu, pravima i obavezama novih članova Saveza uređuje se postupak za prijem novih članica u Savez, kao i o njihovim pravima i obavezama unutar Saveza. Odredbe ovog Pravilnika obavezujuće su za sve članove Saveza, kao i za sve druge osobe koje na bilo koji način sudjeluju u radu Saveza.

#### Član 3.

Članom Saveza može postati svaka pravna osoba koja obavlja sportsku djelatnost u skladu sa članom 4. Zakona o sportu HNK/Ž i koja ima sjedište u Gradu Mostaru. Članovi Saveza mogu biti i druge pravne osobe čija je djelatnost značajna za sport i u vezi sa sportom, a koje djeluju na području grada Mostara. Članovi Saveza samostalne pravne osobe s pravnom osobnošću i određenim pravima, obavezama i odgovornostima u radu Saveza. Savez vodi registar svojih članova, a oblik i sadržaj registra propisuje Upravni odbor Saveza.

#### Član 4.

Članovi Saveza mogu biti punopravni, pridruženi i privremeni.

**Punopravni** članovi Saveza su sportski klubovi učlanjeni u državne granske saveze koji su punopravni članovi OK BiH , kao i sportski klubovi iz sportova čiji državni granski savezi nisu punopravni članovi OK BiH, a nalaze se u redovnom sistemu takmičenja BiH.

**Pridruženi** članovi Saveza su sportski klubovi iz sportova čiji državni granski savezi nisu punopravni članovi OK BiH , nemaju državne granske saveze ili se ne nalaze u redovnom sistemu takmičenja, kao i druga udruženja i ustanove iz sastava sporta i masovne fizičke kulture.

**Privremeni** članovi Saveza su novo osnovana udruženja koja Skupština Saveza može privremeno primiti u članstvo na rok od dvije (2) godine. U tom roku će Savez pratiti djelovanje podnositelja zahtjeva za prijem u članstvo i nakon toga u slučaju da nije donesena odluka o stalnom prijemu u članstvo Saveza, privremeni prijem automatski gubi valjanost.

## Član 5.

Skupština donosi odluku o promjeni statusa iz privremenog u punopravno ili pridruženo članstvo u Savezu nakon isteka roka od dvije (2) godine, a na osnovu prijedloga Upravnog odbora potkrijepljenog pisanim mišljenjem Saveza kojem privremeni član pripada i drugih relevantnih sportskih udruženja i tijela.

Rok u trajanju od 2 godine počinje teći od dana privremenog prijema u Savez od strane Upravnog odbora.

## Član 6.

Molbi za učlanjenje u Savez potrebno je priložiti :

- odluku o učlanjenju u Savez,
- kopiju svog statuta,
- kopiju rješenja nadležnog tijela opće uprave o upisu u Registar udruženja i dokaz o upisu u Registar sportskih djelatnosti,
- osnovne podatke o strukturi i aktivnosti, uz uslov da ostvarenjem svojih ukupnih aktivnosti pridonosi razvitku, ugledu i afirmaciji sporta u cjelini,
- podatke o osobama ovlaštenim za zastupanje i predstavljanje,
- dokaz o osiguranom sportskom objektu te sredstvima i uslovima za početak obavljanja svoje djelatnosti,
- izjavu o prihvatanju Statuta Saveza i njime utvrđenih zajedničkih ciljeva i djelatnosti,
- kopiju rješenja o registraciji kluba u pripadajućem nacionalnom sportskom savezu,
- izjava da se od Saveza neće tražiti osiguranje sportskog objekta za rad (treniranje.)

## Član 7.

Ako udruženje (klub) koja traži prijem u Savez nema osiguran vlastiti sportski objekt ili objekt dan na trajno korištenje, udruženje mora priložiti ugovor o odgovarajućem sportskom objektu osiguranom za trenažni rad u klubu na određeni rok.

Vremenski rok utvrđen u ugovoru o korištenju objekta ne bi smio biti kraći od 1 godine. I nakon isteka ovog roka klubovi su u obavezi dostavljati valjane ugovore u smislu osiguranja materijalnih uslova svog djelovanja.

Ako klub nakon isteka roka za koji mu je vrijedio ugovor o korištenju objekta ne dostavi novi ugovor, na rok ponovo ne kraći od godinu dana, njegovo članstvo u Savezu automatski prestaje.

Pod odgovarajućim sportskim objektom za rad kluba podrazumijeva se objekt prilagođen potrebama sporta kojem pripada udruženje (klub) podnositelj molbe za prijem u članstvo Saveza.

U slučaju spora odluku o prihvatljivosti sportskog objekta donosi Upravni odbor Saveza.

## Član 8.

Odluku o udruživanju u Savez nadležno tijelo podnositelja molbe donosi na način predviđen njegovim općim aktom.

Statut i drugi opći akti članova udruženih u Savez moraju biti u skladu sa zakonom i Statutom Saveza.

O primanju u privremeno članstvo Saveza odlučuje Upravni odbor na osnovu odredbi iz ovog Pravilnika.

Odluku o brisanju iz članstva donosi Skupština Saveza na prijedlog Upravnog odbora.

## Član 9.

Članovi Saveza imaju prava da,

- biraju svoje predstavnike u organe i tijela Saveza i u njima aktivno učestvuju u radu i odlučivanju,
- da njihovi predstavnici biraju i budu birani u organe i radna tijela Saveza,
- aktivno učestvuju u utvrđivanju programa i plana rada Saveza, kao i programa talmičenja na nivou Grada Mostara,
- ostvaruju uvid u rad Saveza, pokreću aktivnosti, predlažu i preduzimaju mjere za ostvarivanje ciljeva, zadataka i programa Saveza,
- ostvaruju međunarodnu saradnju posredstvom Saveza, saveza osnovanih na širem nivou organizovanja sporta, a po mogućnosti i neposredno,
- ostvaruju zaštitu svojih prava,
- vrše kontrolu rada organa Saveza posredstvom Nadzornog odbora.

## Član 10.

Članovi Saveza obavezni su da:

- preduzimaju aktivnosti na razvoju i unapređenju sporta na prostoru na kojem djeluje Savez,
- prihvataju i poštuju odredbe Statuta Saveza i drugih općih akata Saveza i da tu obavezu unesu u svoje Statute,
- međusobno saraduju radi ostvarivanja ciljeva i zadataka iz nadležnosti Saveza,
- poštuju principe »fer-pleja« i dosljedno ih se pridržavaju u svom radu,
- daju prijedloge i primjedbe u vezi rada Saveza,
- onemoguće bilo kakvu političku, vjersku, polnu ili rasnu diskriminaciju i spriječe favorizovanje interesa bilo koje sredine na štetu općih interesa u sportu,
- predlažu razmatranje pitanja iz djelokruga rada Saveza radi zauzimanja stavova i daju prijedloge za njihovo rješavanje,
- usmjeravaju i usklađuju svoje međusobne odnose u zajedničke interese radi postizanja ciljeva Saveza u skladu sa Zakonom, ovim Statutom i drugim normativnim aktima,
- predlažu sudjelovanje Saveza u raznim sportskim manifestacijama radi prosperiteta sporta i fizičke kulture na prostoru Grada Mostara,
- predlažu i pomažu programe razvoja sporta i fizičke kulture na prostoru i mjesnim zajednicama koji još nisu osnovali udruženje,
- preko Saveza ostvaruju kontakte i saradnju sa tijelima lokalne uprave, sportskim institucijama, privredom, radi ostvarivanja svojih programa i zadataka,
- podstiču nove pravilnike i mjere za razvoj sporta na prostoru na kojem Savez djeluje,
- koriste se stručnom pomoći Saveza iz djelokruga njegovog rada,
- predlažu izmjene i dopune Statuta Saveza i drugih općih akata,
- obavezni su sudjelovati u organizaciji sveukupnih sportskih i drugih manifestacija koje Savez organizuje,
- zastupaju dogovorene stavove i mišljenja Saveza u Sportskom savezu Hercegovačko-neretvanskog kantona,
- razvijaju međusobnu odgovornost za provođenje zadataka Saveza,
- obavezni su davati podatke i izvještaje koje bude tražio Savez u cilju izvršenja zadataka Saveza,
- obavezni su da se pridržavaju Statuta Saveza, njegovih zaključaka, odluka i drugih normativnih akata i odgovorni su za njihovo provođenje i izvršenje

#### Član 11.

Pridruženi i privremeni članovi Saveza imaju prava, obaveze i odgovornosti utvrđene članom 9. i 10. ovog Pravilnika, osim prava odlučivanja u Skupštini i prava na finansiranje programskih aktivnosti.

#### Član 12.

Ovaj Pravilnik prihvatila je Skupština na sjednici održanoj 08.10..2014.god. i stupa na snagu danom usvajanja.

Broj : 01/1-377/14  
Mostar, 08.10.2014.god.

PREDSJEDNIK SKUPŠTINE

Vojo Višekruna

**SPORTSKI SAVEZ GRADA MOSTARA**

**P R A V I L N I K**  
**0 prijemu , pravima i obvezama novih članova Saveza**

Mostar, 08.102014 godine